

Айюб ҒУЛОМОВ



Ўзбек тилшунослигининг кўзга кўринган намояндаларидан Айюб Ғуломович Ғуломов 1914 йилнинг май ойида Тошкентда кустар-сарроҳ оиласида туғилди. 1928 йилда ўрта мактабни, 1932 йилда Покровский номли рабфакни, 1936 йилда эса кечки педагогика институтининг тил ва адабиёт факультетини муваффақиятли тугатиб, ўша йилнинг ўзида аспирантурага кирди, 1940 йилда проф. А. К. Боровков раҳбарлигида «Ўзбек тилида аниқловчилар» деган мавзуда кандидатлик диссертацияси ёқлади; бу илмий иш ўша йилиёқ алоҳида нашр этилди.

Педагогика институтларида ўқитувчи, доцент, кафедра мудири (1936—57). Ўзбекистон ФА Тил ва адабиёт институтида катта илмий ходим (1940—46; 1967—69), сектор мудири (1946—49), Ўрта Осиё (Тошкент) университети ўзбек тилшунослиги кафедрасида доцент (1942—46), кафедра мудири (1946—86) бўлиб ишлаган.

А.Ғуломовнинг педагогик фаолияти 1930 йилдан бошланган. У 1930—33 йилларда бошланғич ва ўрта мактабларда, 1934 йилда педагогика техникумида дарс берди. 1935 йилда Ўзбекистон Педагогика фанлари илмий текшириш институтида илмий ходим бўлиб ишлади; 1936—41 йилларда Тошкентдаги Тожиқ педагогика институтида ўқитувчи, доцент ва кафедра мудири лавозимларида ишлади, аynи пайтда (1937—57 йилларда) Низомий номли Тошкент Давлат педагогика институтида ҳам дарс берди. У 1942 йилдан шу кунга қадар Тошкент Давлат университетининг филология факультетида ўзбек тилшунослиги кафедрасининг мудири бўлиб ишлаган.

А.Ғуломов 1940—51 йилларда Ўзбекистон ССР Фанлар академиясининг А. С. Пушкин номли Тил ва адабиёт институтида ўзбек тили ва кейинроқ экспериментал фонетика секторларининг бошлиғи вазифасида ҳам хизмат қилган. У 1957 йилда Москвада «Ўзбек тили тарихий сўз ясалишининг проблемалари» деган мавзуда докторлик диссертациясини ёқлади, 1958 йилда эса профессорлик унвонини олишга муяссар бўлди. Ғуломовнинг илмий асарлари ўзбек тилшунослигининг фонетика ва грамматика, лексикология ва сўз ясалиши, услубшунослик ва нутқ маданият, этимология ва лексикография соҳалари, ўзбек тили тарихи ва диалектологияси масалаларига бағишланган.

Унинг «Ўзбек тилида келишиклар» (1941), «Ўзбек тилида кўплик категорияси» (1944), «Содда гап синтаксиси» (1948), «Ўзбек тили морфологиясига кириш» (1953), «Феъл» (1954), «Содда гап» (1955) каби асарлари ўзбек тили илмий грамматикасининг шаклланишига асос бўлиб хизмат қилди. Ғуломов ўрта мактабларнинг 5—9-синфлари учун «Ўзбек тили дарслига» (ўтган асрнинг 70—90-йилларида 20 мартага яқин нашр этилган) ва олий ўқув юртлари учун «Ҳозирги ўзбек адабий тили» (1961; 2-нашри — 1965) каби дарслик ва бир қанча қўлланмаларнинг, 2-жилдли «Ўзбек тили грамматикаси» (1975—76) нинг муаллифларидан биридир.



1937 йилда унинг «Она тилидан кўргазмали қуроллар» китоби, 1939 йилда «Ўзбек тили синтаксиси», 1940 йилда «Ўзбек тилида аниқловчилар» монографияси босилиб чиқди. Мазкур монографияда ўзбек тили аниқловчиларининг классификацияси берилган ва уларнинг ҳар бир типи ифодаланиши, тематикаси ва грамматик-стилистик хусусиятлари жиҳатдан ёритилган; аниқловчили синтагмаларда интонация — паузанинг роли алоҳида ёритилган; мураккаб аниқловчили синтагмалар ҳам айрим қаралган; ишнинг «Аниқловчи гап» қисмида шу типдаги эргаш гапни аниқлаб берувчи белгилар, турли конструкциялар изоҳланган. Кейинроқ бу белгилар Н. К. Дмитриев, А. Н. Кононов, Э. М. Грунина ва Ғ. А. Абдурахмонов каби олимларнинг асарларида маъхулланган.

1941 йилда олимнинг «Ўзбек тилида келишиклар» номли иши босилиб чиқди. Бу асарда келишик аффиксларининг ҳозирги адабий, диалектал ва тарихий формалари; келишикларнинг семантикаси, синтактик-стилистик ва бошқа хусусиятлари ҳозирги замон тили, халқ шевалари ва тил тарихи ёдгорликлари материаллари асосида ёритилган. 1944 йилда эълон қилинган «Ўзбек тилида кўплик категорияси» монографиясида эса кўпликнинг ифодаланиш йўллари, кўплик аффикслари орқали ифодаланадиган маънолар, ўзбек тилида арабча ва форсча кўплик формалари (тарихий анализ), сон мослиги ва бошқа ҳодисалар тадқиқ этилган. 1947 йилда босилган «Ўзбек тилида урғу» номли монографиясида олим Н. К. Дмитриев, G. Raguette, Nielsen, W. Prohle каби тилшуносларнинг туркий тиллар урғуси ҳақидаги фикрларига ўзининг муносабатини билдиради, акад. В. В. Радловнинг туркий тилларда урғунинг семантик ва грамматик функцияга эга эмаслиги ҳақидаги фикрига эътироз билдириб, урғунинг сўз маъноларини, грамматик ҳолатларни дифференциация қилишдаги ролини кўрсатади. Асарда кўшма ва жуфт сўзларнинг урғуси, синтагматик урғу, ўзбек тилида эркин урғунинг кўринишлари, урғунинг шеър тузилиши билан муносабати ҳам батафсил анализ қилинган.

А.Ғ.Ғуломовнинг «К некоторым вопросам аффиксации в узбекском языке» номли мақоласида аффиксларнинг классификацияси берилади. Бунда олим проф. Н. Т. Сауранбоевнинг аффиксларни сўз ясовчи ва сўз ўзгартувчига ажратмаслик ҳақидаги фикри, француз туркологи Ж. Денининг ва турк тилчиси Аҳмед Жевад Эмранинг туркий тилларда префикс ва инфикс мавжудлиги ҳақидаги фикрлари маъқул эмаслигини исботлайди.



Олимнинг «К вопросу об адвербиализации в узбекском языке» номли ишида баъзи туркологларнинг «туркий тилларда субстантивация сўз ўзгартувчи аффикслар орқали келиб чиқади» мазмунидаги фикри асоссиз деб кўрсатилади, субстантивациянинг бу билан шартланмаганлиги фактик материаллар асосида исботланади. «Ўзбек тили морфологиясига кириш» номли ишида эса сўзнинг морфематик состави, ўзак ва аффиксларнинг мукамал характеристикаси, хусусиятлари, форма ясовчи аффиксларнинг турлари, сўз ясалиш йўллари, кўшма сўзлар; редупликация, жуфт сўзлар, уларнинг семантик ва формал хусусиятлари, жуфт сўзлардаги -ма элементининг икки хиллиги ҳар томонлама ёритилади.

А.Ф.Гуломов ўзининг «Феъл» деб номланган монографиясида феълни 4 формага — соф феъллар, сифатдош, равишдош ва инфинитивга — ажратади; ўзбек тилида инкор категориясини мукамал ёритади. Бунда -ма, йўқ, эмас, на-на, ҳеч, сира каби элементлар анализ қилиниб, инкор икки жиҳатдан — морфологик ва синтактик планда қаралади. Бу ишда тусловчи аффикслар классификация қилинган (уч группага ажратилган), замон ва шахс-сонларнинг хусусиятлари, маънолари ва кўчган ҳолда қўлланишлари ёритилган; вид категориясининг ифодаланиш йўллари берилган; ишнинг кўшма феъллар баҳсида айниқса кўмакчи феъллар яхши ёритилган: ҳар бир кўмакчи феълнинг асл маъносидан қандай қилиб кўмакчига айланганлиги, тараққиёт йўли, англаган маънолари, қўлланиш шароити, тарихий, диалектал ва бошқа синонимлари, уларнинг турли оттенкаларни фарқлашдаги роли илмий асосда тушунтирилган.

Олимнинг «Об удвоении согласных в узбекском языке» номли мақоласида товуш такрорланиш (бош — бошшингни, тепа—теппасида каби) ҳодисасининг фонетик шароити, тарихий тараққиёт йўллари кўрсатилган, бу ҳодисанинг эмоция ифодаланиши, унлининг узунлигини компенсация қилиши каби хусусиятлари тушунтирилган.

А.Ф.Гуломовнинг ишларида этимологик, тарихий анализларга кўпроқ диққат қилинишини кўрамиз. Унинг асарларида бир қанча сўзларнинг келиб чиқиши, лексик-семантик хусусиятлари, морфологик структураси изоҳланган. Олимнинг проф. М. А. Асқарова билан ҳамкорликда яратган «Ҳозирги ўзбек адабий тили» китоби республика олий ўқув юртларининг филология факультетларида асосий дарслик вазифасини ўтаган.

Олимнинг бевосита раҳбарлигида 18 киши фан кандидати ва 1 киши фан доктори илмий даражасини олишга муяссар бўлган.

- 1937** Она тилидан қўлланма. Тошкент.
- 1938** Ўзбек тилининг илмий грамматикасига доир материаллар. Тошкент.
- 1940** Ўзбек тилида аниқловчилар. Изв. УзФАН СССР, 2- сон, Тошкент.
Қўмакчилик конструкция ҳақида, 6- сон.
Ўзбек тилида аниқловчилар. Тошкент.
Ўзбек тили грамматикаси. (Ҳамкор), Тошкент.
Синтаксис бўйича машқлар тўплами. Тошкент.
Ўзбек тили грамматикаси (педтехникумлар учун), Тошкент.
- 1941** Бадиий асар тили ҳақида. Журнал «Лит. Узб.», № 1 (ҳамкор), Тошкент.
Ўзбек тилида келишиклар. Тошкент.
- 1943** Ўзбек тили грамматикаси. I қисм, Тошкент (бу дарслик коллектив томонидан ёзилган бўлиб, 1950 йилгача нашр этилган).
- 1944** Ўзбек тилида кўплик категорияси. Бюл. АН УзССР, № 5. О значениях аффикса -ла. УзНИИШ, Ташкент.
- 1946** Ўзбек тилида урғу қонуниятлари. Бюл. АН УзССР, № 6. -ка аффикси ҳақида. Бюл. АН УзССР, № 10.
Ўзбек тилида сўз тартиби. «Шарқ юлдузи» журнали, 4-сон, Тошкент.
- 1947** -дош аффикси ҳақида. Бюл. АН УзССР, № 1.
Ўзбек тилида урғу. Тошкент.
Об изменении корня в словообразовании. Сб. «Научн. сессия АН УзССР».
Ўзбек тилидаги -ла аффикси ҳақида. «Уч. зап. ТГПИ», Тошкент.
- 1948** Содда гап синтаксиси. Тошкент.
Совет даврида ўзбек тили тараққиёти. ИАН УзССР, № 5.
- 1949** Ўзбек тилида сўз яшаш усуллари. Тил ва адабиёт институтининг илмий асарлари, Тошкент.
- 1953** К некоторым вопросам аффиксации в узбекском языке. Сб. «Академику В. В. Гордлевскому», М.
Введение в морфологию. Ташкент.

- 1954** Фейл. Тошкент.
О правописании сложных слов. «Уч. зап. ТГПИ», Ташкент. К вопросу об адвербиализации. (Юқоридаги тўплам).
- 1955** Содда гап. Тошкент.
Проблемы исторического словообразования в узбекском языке (Автореферат), Ташкент.
- 1957** Она тили ўқитувчиларининг савиясини ошириш ҳақида. «Совет мактаби» журнали, 1-сон (ҳамкор), Тошкент.
- 1960** О степенях сравнения имён прилагательных. Ташкент.
Ҳозирги замон ўзбек тили. Синтаксис «Ўрта ва олий мактаб» (ҳамкор), Тошкент.
- 1961** -ман аффикси ҳақида. «Ўзбек гили ва адабиёти масалалари» журнали, 2-сон, Тошкент.
Об удвоении звуков при аффиксации в узбекском языке. Уч. зап. ТашПИИЯ, вып. VII.
- 1963** Сопутствующие явления при аффиксации. Тошкент Давлат университетининг илмий асарлари, Тошкент.
Об аффиксе -лик. (Юқоридаги тўплам).
- 1964** Аффиксы со значением уменьшительности. (Юқоридаги тўплам).
Дарслик ва қўлланмалар
- 1965** Ҳозирги замон ўзбек тили. Синтаксис (ҳамкор), 2- наشري, Тошкент.
- 1975** Этимологик ноаниқликлар, Тошкент.
- 1977** Ўзбек тили морфем луғати, Т., (ҳамкорликда).
Она тили ўқитиш принциплари ва методлари.
Ҳозирги ўзбек адабий тили (ҳаммуаллифликда).